

# ثابرات ن بُولُوس | اِكُولُوسِيَّين

## اَسَدَجِم

1 اُبُولُوس، اَمَازان ن لَمَسِيح يَشُو علاَحَساب مِين اِحْس اَرَبِّي ذ تِيْمُوْتِيُو ذ ثاوماث،  
2 اِواوماثن اِمَقْدَاسَن ذ اِصْدِيقَن ذِي لَمَسِيح اِنِّي اِدْجَان ذِي كُولُوسِي: نِيَعْمَت ذ  
زَهْنَا اَذ كِيوم اِزِين زِي اَرَبِّي بابانغ وَ زِي سِيذِي يَشُو لَمَسِيح!

## اَقَاذِي ذ تَرَاذِچِث

3 زَبْدَا، مازَا تَرُوذْج خاوم، نَتَقَاذا اَرَبِّي ثاباباث ن سِيذِيَتِنغ يَشُو لَمَسِيح، 4 وُومي نَسْزَا خ  
لَايْمَان نَوْم ذِي لَمَسِيح يَشُو وُزَا خ ثَايْرِي نَوْم اِ مَارَا اِمَقْدَاسَن 5 خ سَبِيث ن وُسِيشم اِ  
ذ اوم اِسُوَجْدَن ذَك اِجْنَوَان. اَقَا تِيْزَارْم سَنْزَام خَاس خ وُسِيشم نِي زَك وَاوَاژ ن تِيذت  
ن زَخْبَار اَصْبَحَان 6 اِ ذ يُوَسِيْمِن غاروم، اَم مامش د يوسا غار دُونِيث مَارَا وُشا اِتَاوِي-د  
زَغِيذْچِث وُشا اِكْمَا، اَقَا ذِيْنِي عَاوَذ جَاراوم زَك وَاَس وُومي ت تَسْرِيْم وُ تَسْنَم نِيَعْمَت  
ن اَرَبِّي س تِيذت، 7 اَم مامش تَفْهَم زَك اِبافراس، وَنِي ذ اَمْسَخَار اِعِيْزَن اَكِيذِنغ وُزَا ذ  
اَمْسَخَار اَصْدِيق ن لَمَسِيح اِكْتَبُو، 8 وَنِي اِ ذ اِنغ اِسَارَكْتِن خ ثَايْرِي نَوْم ذِي اَرُوْح. 9 خ  
وُيْنِي، وُزَا ذ نَشِيْن، زَك وَاَس وُومي نَسْزَا خ مان اِيَا، وار نَسْبَدْ شَا ثَاِزَاذِچِث خاوم،  
ننار اَذ تَنُوْزَم تَشُوْرم س تَمُوْسِنَا ن تَمَخْسَا تَس ذِي مَارَا تِيغِيْث ذ زَفْهَامَت ن اَرُوْح،  
10 جِيْمَا اَذ تُوِيُورْم اَم مامش اِسْذَاهَدْج اِ سِيذِي ماحنْذ اَذ اس ثارضام ذِي مَارَا، اَذ د  
ثَاوِيْم زَغِيذْچِث ذِي مَارَا زَخْدَايْم تِيصْبَحَانِيْن وُشا اَذ تَكْمَام ذِي تَمُوْسِنَا ن اَرَبِّي، 11 جِيْمَا  
اَذ ذَايُوم اِتَوَاكْ مَارَا جَهْد علاَحَساب تِيْزَمَار ن وُعُوذْچِي نَس ماحنْذ اَذ غَارُوم يِيْزِي  
مَارَا صَبَار ذ تَابِيْع ن زَخاضار س زَفْراحت، 12 اَم تَقَاذَام ثاباباث تْنِي اِ ذ اِنغ اِسُوَجْدَن  
جِيْمَا نَرْمَار اَذ نشارش ذِي زُوارث ن اِمَقْدَاسَن ذِي تَفَاوْث، 13 وَنِي اِ ذ اِنغ اِسْنَجْمَن زِي  
صُولْطَان ثَاذِچِث وُشا اِسْمُوْطِي اِنغ غَار تَكْلَذِيْث ن مَيْس ن ثَايْرِي نَس، 14 وَنِي ذَايْس  
غَارِنغ اَفْكِي ذ وَغْفَار ن دَنُوْب.

## لَمَسِيحِ ذِ صَيِّفَتِ نِ اَرِّيِي

<sup>15</sup> نَتَّا ذِ صَيِّفَتِ نِ اَرِّيِي | وَاوَرِ نَتَوِيْرِي شَا، مَيِّسِ اَمْنُوْرُ خِ مَارَّا مَيْنِ اِتْوَاخْرَقِن، <sup>16</sup> مَيْنِيْرِي ذَايْسِ-دِ اِتْوَاخْرَقِ قَاغِ مَيْنِ اِدْجَانِ ذَكِّ اِجْنَوَانِ ذِ مَيْنِ اِدْجَانِ ذِي ثُمُوْرَتِ، مَيْنِ نَتَوَاْرَا ذِ مَيْنِ وَاوَرِ نَتَوِيْرِي شَا: زَكَرَايْسِي نِ اِجْدَجِيْدِنِ نِيْعِ ثِيْصَدِّجَاضِيْنِ نِيْعِ زَحُوْكَامِ وُزَا ذِ صُوْلَاطَاثِ، مَارَّا مَيْنِ اِدْجَانِ اَقَّا اِتْوَاخْرَقِ-دِ زَايْسِ وُ اِ نَتَّا. <sup>17</sup> نَتَّا ثُوْغَا-ثِ قَبِيْرِ مَارَّا مَيْنِ اِدْجَانِ وُ شَا مَارَّا مَيْنِ اِدْجَانِ، اَقَّا-ثِ ذَايْسِ. <sup>18</sup> نَتَّا ذِ اَرْدِجِيْفِ نِ اَرِّيْمَتِ نَتِّي اِدْجَانِ ذِ ثَامَسْمُوْنَتِ. نَتَّا ذِ اَمْرُوَارِ، مَيِّسِ اَمْنُوْرُ زَكِّ اِمْتِيْنِ، حِيْمَا اَذِ يِيْرِي نَتَّا ذِ اَمْرُوَارِ ذِي كُوْرِيْشِي. <sup>19</sup> مَيْنِيْرِي ثُوْغَا يَارِضَا مَارَّا اَعْمَارِ اَذِ اِرْدُغِ ذَايْسِ <sup>20</sup> مَاْحُنْدِ اَذِ زَايْسِ اِسْتَصْرَحِ مَارَّا مَيْنِ اِدْجَانِ اَكْ-ذِ يِيْخِفِ نَسْ، اَمُوْ مَيْنِ اِدْجَانِ ذِي ثُمُوْرَتِ اَمْنِي مَيْنِ اِدْجَانِ ذَكِّ اِجْنَوَانِ، اَمِ اِكَّا زَهْنَا سِ اِذَامِنِ نِ صَالِيْبِ نَسْ. <sup>21</sup> كَنِيُو اِنِّي ثُوْغَا اِكُوْجِنِ قَبِيْرِ اَمِ اِبَارَانِيَّيْنِ ذِ زَعْدِيَانِ ذَكِّ اِخَارِيْصِنِ نُوْمِ عِلَاْحَسَابِ زَخْدَايِمِ نُوْمِ ثِيْعَفَانِيْنِ، اَقَّا نَتَّا اِسْتَصْرَحِ كَنِيُو زَحُوْ <sup>22</sup> ذِي اَرِّيْمَتِ نِ وَيْسُوْمِ نَسْ سِ زَمُوْثِ، حِيْمَا اَذِ كَنِيُو اِسْبَدِّ قِيْبَاتِيْشِ نَسْ ذِ قِيْبَاتِيْشِ اِمْقَدَّاسِنِ، نَبِيْرَا مَا اَذِ ذَايُوْمِ اِتْوَاْفِ وُزَا ذِ اِجِ نِ زَعِيْبِ نِيْعِ وُزَا ذِ اِسْتِثِنِ نِ ثَاخْمُوْجِي، <sup>23</sup> مَارَا ثَقِيْمِ ثُبْدَمِ، ثَشْبَارَمِ نِيْشَانِ ذِي لِيْمَانِ، وَاوَرِ ثَسْمَحِ شَا ذَكِّ وُ سِيْثِمِ نِ زَخْبَارِ اَصْبَحَانِ اِسْتَرِيْمِ، لِانْجِيْلِ اِ زِي اِتْوَابَارْحِ غَارِ مَارَّا مَيْنِ ذِ اِتْوَاخْرَقِنِ سَاذُوْ وُجَنَّا، لِانْجِيْلِ اِ زِي ذُوْرُغِ نَشِ، بُوْلُوْسِ، ذِ اَمْسَخَارِ.

## زَخْدَمَتِ نِ ثَسَخَارَتِ نِ بُوْلُوْسِ اِ ثَمَسْمُوْنَتِ نِ لَمَسِيحِ

<sup>24</sup> زَحُوْ اَقَّا-يِي فَاْرِعِغِ، اَمِ كَسِيْعِ ثَامَارَا خَاوَمِ وُ شَا نَكْمَرُغِ ذَكِّ وَيْسُوْمِ اِنُوْ مَيْنِ اِقِيْمِنِ زِي زَحْصَارَتِ نِ لَمَسِيحِ اِ اَرِّيْمَتِ نَسْ نَتِّي ذِ ثَامَسْمُوْنَتِ <sup>25</sup> اِ زِي ذُوْرُغِ ذِ اَمْسَخَارِ عِلَاْحَسَابِ اُوْكُرِّ اِ ذِ اِيِي اِمُوْشِنِ خَاوَمِ زِي اَرِّيِي، حِيْمَا اَذِ اِكْمَرِّ اُوَازِ نِ اَرِّيِي. <sup>26</sup> ذِ وَا ذِ سَيِّرِ اِ ثُوْغَا اِنُوْفَارِنِ ذِي مَارَّا اِكُوْدِنِ نِ زُوْقَتِ ذِ جِيْزَاثِ، مَاشَا اِتْوَانُوْرُزَمِ زَحُوْ اِ اِمْقَدَّاسِنِ نَسْ، <sup>27</sup> اِنِّي وُ مِي اِخْسِ اَرِّيِي اَذِ اسِنِ اِسْتِشِنِ اِكْرُوَانِ نِ وُ عُوْدِجِي نِ سَيِّرَا-جَارِ زَكْنُوْسِ وِنِّي اِدْجَانِ ذِ لَمَسِيحِ ذَايُوْمِ، اَسِيْثِمِ نِ وُ عُوْدِجِي. <sup>28</sup> اَقَّا نَتَبَارْحِ زَايْسِ، زَايِي نَعْرَمِ اِ كُوْرِ بِنَاذِمِ وُ شَا نَسْرَمْدِ كُوْرِ بِنَاذِمِ ذِي مَارَّا ثِيْعِيْثِ، حِيْمَا اَذِ نَسْبَدِّ كُوْرِ بِنَاذِمِ نِيْشَانِ قِيْبَاتِيْشِ اِ لَمَسِيحِ. <sup>29</sup> اِ مَانَ اَيَا وُ مِي خَدْمِغِ عَاوْذِ اَمِ ثَمْنِيْعِغِ سِ جَهْدِ نَسْ وِنِّي اِخْدَمِنِ ذَايِي سِ جَهْدِ.

**2** مَيْنِيْرِي خَسْغِ اَذِ ثَسْمِ مَشْحَازِ ذِ اَمْقِرَانِ اَمْنِيْغِي اِ تَكْغِ خَاوَمِ ذِ خِ يِنِّي ذِي لايُوْدِيْكِيَا ذِ خِ مَارَّا اِنِّي وَاوَرِ رِيْرِيْنِ شَا وُذَمِ اِنُوْ ذَكِّ وَيْسُوْمِ، <sup>2</sup> حِيْمَا اَذِ يُوْدِفِ وُ فُوْجِ ذَكِّ وُزَاوِنِ نَسْنِ، اَذِ اِيْرِيْنِ مُوْنِنِ اَكْ-ذِ وَايَاوِيَا ذِي ثَايْرِي اَزِ اِ غَا يَاوُضِنِ غَارِ قَاغِ اِكْرُوَانِ،

أَذِيزِيْن شُورِن س زَفْهَامَث، حِيْمَا أَذ سَنَنْ سَيِّرِن أَرَبِّي ذ ثَابَابَات ذ لَمَسِيْح. <sup>3</sup>أَقَا ذَايَس نُوفَارِن مَارَا زَكْتُوْز ن ثِيغِيْث ذ ثُمُوسِنَا.

### أَعْرَام زِي ثُعُورِي إِسْخَارِيْبَقِن

<sup>4</sup>مَان أَيَا قَارَغ ث، حِيْمَا وُزَا ذ إِجِّ وَار كَنِيُو اِغْكُورِي شَا س وَاوَازِن اِزُوقِن. <sup>5</sup>وَإِخَا أَقَا-يِي غَايَغ زِي جِيْهَث ن أَرِيْمَث، نِيْشَان أَقَا-يِي أَكِيْدُوم زِي جِيْهَث ن أَرُوح وُشَا فَارْحَغ أَم ثَوَازِيْغ أَسْتَف ذ لِإِيْمَان نُوم نِيْشَان ذِي لَمَسِيْح. <sup>6</sup>خ وُيِّي، وُومِي ثَقْبِيْزَم لَمَسِيْح، يَشُو سِيْذِي، وُيُورَم ذَايَس، <sup>7</sup>أَم ثُوْثِيْم اِزُورَان وُ ثَوَابِنَام ذَايَس وُشَا أَذ ثَاْفَم أَضْمَان ذِي لِإِيْمَان أَم مَامَش ثَوَاْسَرْمُذَم مَاحِنْد أَذ ثِيْرِيْم ثَنْفِيْضَم س وُقَاذِي. <sup>8</sup>خِرَارَم وُزَا ذ إِجِّ وَار كَنِيُو اِغْكُورِي شَا س لِفَلْسَاْفَا نِيْغ س اِخَارِيْبَقِن اِخْوَان عِلَاْحَسَاب ثُبَارَث ن اِوُذَان، عِلَاْحَسَاب ثِيْمَسْرَايِيْن ثِيْمَزُورَا ن دُونِيْث، وَار اِذْجِي عِلَاْحَسَاب لَمَسِيْح. <sup>9</sup>مِيْنَزِي ذَايَس اِزْدَغ قَاع زَكْمَازَث ن أَرَبِّي ذِي صِيْفَث ن أَرِيْمَث <sup>10</sup>وُشَا أَقَا ثَدْجَام ثَكْمَرَم ذَايَس، ذَكْ وَنِي ذ اِزْدَجِيْف خ قَاع زَحْكَاْمَث ذ صُولَطَا. <sup>11</sup>أَقَا ثَثَوَاخْتَمَن ذَايَس عَاوَد س إِج ن وَخْتَان، وَار اِذْجِي س اِفَاسَن، وُومِي اِكْس زَايُوم أَرِيْمَث ن دُوب ن وَيُسُوم س وَخْتَان ن لَمَسِيْح <sup>12</sup>أَم كِيْذَس ثَثَوَانَضْرَم ذَكْ وُسُغْضَاَص اِذِي ثَثَوَاْسَنَكَاْرَم عَاوَد س لِإِيْمَان ذِي جَهْد ن أَرَبِّي وَنِي اِث-يِد اِسْنَكَاْرِن زَكْ اِمْتِيْن. <sup>13</sup>وُومِي ثُوْغَا كَنِيُو ذ اِمْتِيْن ذِي زُمُوعْصِيْيْث وُ ذِي ثَبْرَا اَخْتَان ن وَيُسُوم نُوم، أَقَا يَار-د كَنِيُو غَار ثُوْدَارَث أَكِيْذَس وُومِي د اِنَغ اِغْفَار مَارَا زُمُوعْصِيْيْث نَغ <sup>14</sup>وُشَا أَقَا اِمْسَح ثَابِرَات ن ثَنفُوتِيْش ثَنِي ذ اِنَغ اِتْهَمَن س نُوصَا نَس، أَقَا اِكْسِي ت زِي زُوصَث أَم ت اِسْمَار خ صَالِيْب. <sup>15</sup>أَقَا اِكْس زَسْنَا ح اِزَحْكَاْمَاث ذ صُولَاطَاث، اِمْسَهَار اِثِن بَطَايْطَاي أَم خَاَسِن اِغْلَب أَمُو. <sup>16</sup>خَنِي وَار ثَجِيْم أَذ كَنِيُو اِحْكَم وُزَا ذ إِجِّ، نِيْغ ذِي مَاشَا وُزَا ذِي ثَسْسِيْث، نِيْغ ذَكْ وُسَان ن زَعِيُوذَاث وُزَا ذَكْ وَاسَن ن وُيُورِن جَزِيْذ نِيْغ ذَكْ وُسَان ن سَبْث. <sup>17</sup>مَارَا ثِيْنَا ذ ثِيْرِي ن مِيْن اِذ غَا يَاسِن، مَاشَا أَرِيْمَث نَتَاث ن لَمَسِيْح. <sup>18</sup>وَار ثَجِيْم حِد أَذ اِوَم يَاشَار زَاْجَار نُوم وُومِي ذ اِس يَارِضَا أَوَاضِع ذ وُعْبَاذ ن لَمَالَاكَاث، اِتَاذَف ذِي مِيْن وَار اِزْرِي، اِتُوفَ بَاطِر س اِمِيْن تَس اِذْجَان عِلَاْحَسَاب اَبِيْسُوم، <sup>19</sup>أَم وَار اِثْشَبَار شَا غَار وُزْدَجِيْف اِزِي اِغَا ثَكْمَا قَاع أَرِيْمَث س زَمْغَارَث اِذ اِس اِتِيْش أَرَبِّي، أَم خَاَس تَسْتَاذِن وُ ثَشَدَن زَمْفَاَصَر ذ اِسْغَوَان نَس. <sup>20</sup>مَارَا ثُوْثَم اَك-ذ لَمَسِيْح اِثِيْمَسْرَايِيْن ثِيْمَزُورَا ن دُونِيْث، مَايِّي ثَوَاضِعَم اِثُوصِيَاث أَم مَامَش ثَادَرَم عَاذ ذِي دُونِيْث، <sup>21</sup>وَار ثَحَاذَا، وَار ثَقَاَسَا، وَار ثَحَارَش! <sup>22</sup>أَقَا-ثَنَث ذ ثِيْمَسْرَايِيْن أَذ وَدَارَنَت أَم ثَوَاْسَحْذَمَنَت، أَقَا-ثَنَث عِلَاْحَسَاب ثِيُوصَا ذ ثُعُورِي ن اِوُذَان.

<sup>23</sup> اَقَّا تيمسزايين-ا ثباننت اُخمي غارستن وُذم ن تِيغِيث، اَقَّا-ثنت اُمشناو اِج ن دِيِن  
كُنْث نِيئني وُشا غارستن وُذم ن وُواضع ذ رَقَساحت خ اَرِيْمث، ماشا وار خاستن  
بُو رَقِيْمث، اَقَّا-ثنت اِ تِيياوانت ن وِيْسوم واهَا.

### اَرزُوم مِيِن اِدْچان سَنَج ماني اِقِيْم لَمْسِيح

**3** ماشا مازا تَتَواستَنكارَم-د اَك-ذ لَمْسِيح، خني اَرزُوم مِيِن اِدْچان سَنَج، ماني اِقِيْم  
لَمْسِيح خ وُفُوسِي ن اَرِي. <sup>2</sup> عَقْرَم مِيِن اِدْچان سَنَج، وار اِدْچي مِيِن اِدْچان ذِي  
ثُورث، <sup>3</sup> مِيْزِي كَنبو اَقَّا ثُورثم وُشا ثُوارث نوم ثُوفار اَك-ذ لَمْسِيح ذِي اَرِي. <sup>4</sup> خمي اِ  
د غا اِضْهَار لَمْسِيح، وني اِدْچان ذ ثُوارث نَع، رِخْذني وُزا ذ كَنبو اَذ كِيْذس-د تَضْهَارم  
ذَكْ وُغُوْدْچي. <sup>5</sup> س وُيْني نَعْم اِغْزِذِيْسِن ن اَرِيْمث نوم اِنِي خ ثُورث: ثُوقْحِيْيْث،  
رِخْمَج، اَشْاهِي، نَشَوات تِيْعَفَانِيْن، طَمَع ذ وني ذ اَعْبَاد اِلاصنام. <sup>6</sup> خ سِيْيْت ن وُيا اَذ  
د ياس لِعاضاب ن اَرِي خ اِيْث ن زَمُوْعَصِيْيْت. <sup>7</sup> وُزا ذ كَنبو ثُوْعا ثُكُورم اُمُو زِيْش،  
وُمِي ثُوْعا كَنبو ثُدَارم عاذ ذِي ثَمْسَزايِيْن نِي. <sup>8</sup> ماشا زُخُو عاوْذ كَنبو سَنارسم مان اِيا  
مارا خ وُغْزِذِيْس: اُحِيْق ذ ثَفْقاحت ذ ثُوْعَفْنَا، اَشْقَف ذ واوازن اِحْمِجِن زَكْ وُقُوم  
نوم. <sup>9</sup> وار سَخارِيْقَم شا خ واياويا وُمِي سَنارسم غار وُغْزِذِيْس ثَباذم اَقْدِيْم اَك-ذ رِخْذايِم  
نَس <sup>10</sup> وُ ثِيَارْضَم س وني ذ جِذِيْذ، وني اِتْبِلْازِن غار ثُموسنا ثُمون علاحساب صِيْفْت  
ن وني اِث-يِد اِخْرَقِن. <sup>11</sup> ذايِس وار اِدْچي اَيُوناني نِيغ وُذاي وُزا ذ اُخْثان نِيغ تَبْرا اُخْثان  
وُزا ذ اَبارايِي نِيغ اُسْكِيْث، وُزا ذ اِسْمَع نِيغ حُوْر، ماشا لَمْسِيح ذ كُوْرشِي ذِي مارا.  
<sup>12</sup> خني، اَم كَنبو اِخْضار اَرِي ذ اِمْقَداسِن ذ اِمْعِيْزِن، اَرْضَم س ثُحْونشْت ذِي داخِر وُزا  
س رَضْرافْت ذ وُواضع ذ ثَمْهِيْنْت ذ تاسِيْع ن رِخْاضار، <sup>13</sup> وُشا مازا شا ن يِيْجِن غارس  
اَشْشِيْي خ وَنْضَنِي، قَبْرَم وُ سامحَم اِ واياويا. اَم مامَش ذ اوم اِغْفار لَمْسِيح، كَم كَنبو  
اَمْنِي عاوْذ. <sup>14</sup> سَنَج اِ مارا تيمسزايين-ا، اَرْضَم ثايِرِي نِي ذ ثُخاذنْت ن رِكمارْت. <sup>15</sup> اَذ  
اِحْكَم زَهْنا ن لَمْسِيح ذَكْ وُزاون نوم اِ وني وُمِي ذ نَزاعام ذَكْ اِشْت ن اَرِيْمث. فارحَم  
س وُقَاذِي. <sup>16</sup> اوازن لَمْسِيح اَذ ذايوم اِزْدَع س واِطاس، سَرْمذَم وُشا عزمَم اِج وَنْضَنِي  
ذِي مارا تِيغِيْث، اَم ثَعْتاجَم اِسْبِيْحِن ذ اِزْزان ن وُسْمَعار ذ اِزْزان س اَرُوْح اِ سِيْذِي اَك-ذ  
نِيْعَمْت ذَكْ وُزاون نوم. <sup>17</sup> مارا مِيِن ثَنَكْم س واوازن نِيغ س رِخْدمْت، كَم ث س اِسْم  
ن سِيْذِي يِشو، اَم زايِس ثَشْكارَم اَرِي تَاباباْت.

### ثِيوصًا اِثُوذَارْت ن اِماسِيحِيَّين

<sup>18</sup> اِثِيْمغارِيْن، ذُوْرَنْت ساذُو اِرِيازَنْ نَكَنْت اَم مامَّش د اِتاس اَك-ذ سِيْذِي. <sup>19</sup> اِ اِرِيازَنْ، خَسَم ثِيْمغارِيْن نُوْم، وار تَقْسَم ذائِسْت. <sup>20</sup> اِحْنَجِرِنْ، كَم اَرَّاي اِلوَالِيْذِيْن نُوْم ذِي مارًا، مِيْنزِي مان اَيَا يارطا اِرَّيِي. <sup>21</sup> اِابابائِنْ، وار تَدارَّشَم شاخ ثاروا نُوْم، حِيْما وار ذ اسن تَتْرَاح تَرِياسْت. <sup>22</sup> كَنِّيُو، اِاسْمَغان، كَم اَرَّاي اِ اِنِّي اِدْچان ذ اَيْثاب نُوْم علاْحَساب اَيْسُوْم ذِي مارًا، وار تَسَخارَم شا اِثِيْطاوِيْن ن اِوْذان اَمَشناو اِنِّي اِحْسَنْ اَذ اَرْضان اِوْذان، ماشا سَخارَم س رَصفايْت ن وُز اَم تَكُوْذَم اِرَّيِي. <sup>23</sup> قاع مِيْن اِغا ثَكَم، كَم ث س وُز، اَخْمِي اِ سِيْذِي، ماشي اِوْذان. <sup>24</sup> كَنِّيُو تَسَنْم بَلِي اَذ تَكْسِيْم رَحْزاص ن زوارْت زِي سِيْذِي. اَقا تَسَخارَم اِ سِيْذِي لَمَسِيح. <sup>25</sup> مِيْنزِي وِني اِتَكَنْ رَغَشْ، اَذ اِطْف رَغَشْ اِ يَكَّا وُشا وار ذِيْن بُو رَفارَزَنْ ن بِنادَم.

**4** <sup>1</sup> اِ اَيْثاب، وُشم اِسْمَغان نُوْم مِيْن اِدْچان اِسْكَنْذَنْ وُ نِيْشان، اَقا تَسَنْم بَلِي عاوذ كَنِّيُو غارُوْم باب ذَك وُجَتًا. <sup>2</sup> صبارَم ذِي تُوادْچِيْت ماحَنْد اَذ تَحْضام ذائِس س وُقَاذِي، <sup>3</sup> اَم تَتْرَادْچام عاوذ اِنْشِيْن، حِيْما اِرَّيِي اَذ انغ يارزَم ثاوارْت اِ وَاواز، حِيْما اَذ نَسِيْوَر خ سِيْرَنْ لَمَسِيح، وِني وُمي ذِجِيغ عاوذ ذ اَمْحوبُوس ذِي سَناسَر، <sup>4</sup> حِيْما اَذ ث سارَكْبِيغ اَم مامَّش اِ خاس اِشُوْوار وَاواز. <sup>5</sup> وُيُوْرَم ذِي ثِيغِيْت اَك-ذ بِيْني ن بارًا، اَم ثارِيْحَم زُوْقْت اَمَنْ تَكَمَز. <sup>6</sup> اَذ بِيْزِي وَاواز نُوْم زَبْدا س نِيْعَمْت، مَدْچَم ث س تَمْدْچاحْت، حِيْما اَذ تَسَنْم مِيْن زِي اِغا ثارَم خ كُوْر اِحْن.

### اِواز ذ وُسْدْچَم اَنْكَارُو

<sup>7</sup> خ تَمَسْزايِيْن اِنُو مارًا اَذ كَنِّيُو اِسْارَكْب ثِيْشِيْكُوْس، وُما اِعِيْزَنْ ذ وُمسَخار اَصْذِيْق ذ وُمسَخار اَكِيْذِي ذِي سِيْذِي. <sup>8</sup> س وُيْنِي سَكَنْغ ث غاروم، حِيْما اَذ اِسَنْ تِيْمَسْزايِيْن نُوْم وُشا اَذ ذايوم اِكْت وُز، وُشا سَكَنْغ ث اَك-ذ وُنيْسِيْمُوْس، وُمانغ اَصْذِيْق اِعِيْزَنْ، وِني اِدْچان ذ اِحْن زايوم. نِيْشِيْني اَذ كَنِّيُو سارَكْبِيْن قاع وُمدُوْر ذانِيْنا. <sup>10</sup> اِرِيْسْتارْحُوْس وِني ذِي رَحْبِس اَكِيْذِي، اِتْسَدْچام خاوم، ذ ماركو، اَيَاو ن بارناباس وِني خ تَكْسِيْم كَنِّيُو ثِيوصًا - مازا يُوْسِي-د غاروم، قَبْرَم ث -، <sup>11</sup> اذ يَشُو، قارن اس يُوْسْتُوْس، وِني اِدْچان زَكْ وُخْتان. نِيْشِيْني وُخدسَنْ ذ اِحْدامَنْ اَكِيْذِي اِ تَكْلَذِيْث ن اِرَّيِي وُشا كِيْن ذايي وُز. <sup>12</sup> اِتْسَدْچام-د خاوم اِبافراس، وِني ذ اِحْن زايوم، اَقا-ث ذ اِسْمَغَنْ لَمَسِيح. اَقا نْتا اِتْدعا اوم زَبْدا ذِي تُوادْچِيْت تَس س جَهْد، حِيْما اَذ تَبْدَم نِيْشان، اَذ تِيْزِيْم تَشُوْرَم س مارًا مِيْن اِحْس اِرَّيِي.

<sup>13</sup> مِينِزِي شَهْدَغ خاس، أَقَا نَتَا أَطَّاس اِخَاوَم اِكْسِييِ زُزَا خِ يِنِي دِي لايُوذِيكِييَا ذِي يِنِي دِي هِيرَابُولِيَس. <sup>14</sup> اِتْسَدْچام-دِ خَاوَم لُوكَا، أَضِييبِ اِعِيَزَن، ذِي مَاس. <sup>15</sup> سَدْچَم خِ وَاوَمَاتَن اِنِي اِدْچَان دِي لايُوذِيكِييَا، خِ نِيَمفَاس وُخِ ثَمْسُمُونَت دِي نَادَارْت نَس. <sup>16</sup> خَمِي اِغَا تَوَاسْتِغَار ثِرَاث-اِ جَارَاوَم، خِنِي حَضَام اَذِ تَوَاسْتِغَار عَاوَذ دِي ثَمْسُمُونَت نِ اِلَايُوذِيكِييَّين وُشَا اَذِ تَغَارَم كَنِيو عَاوَذ تَنِي زِي لايُوذِيكِييَا. <sup>17</sup> اِنِي اِ اِرْخِيْبُوس 'حَضَا اَذِ تَكْمَزْد زِخْدَمْت نِ تَسْخَارْت اِ تَكْسِيذِ زِي سِيذِي'. <sup>18</sup> سَزَام وُريغِ ثِ سِ وُفُوسِ اِنُو، زِي بُولُوسِ. عَقْرَم خِ سَنَاسَرِ اِنُو. نِيَعْمَتِ اَذِ كِيوَم تِيْزِي. اَمِين.